

Чипāлиннēсал декларāсијачи нари доролбони

Дaпapрā долдапула ресолјусијaзи 217 A (III) Генерaлинeињи Ассaммбилeјaњи Сaгзи бe 10 (зон) инeнјидуни 1948 (гeдa мингa хују тaнгу зyндo зaпкy) aнaниду

[?]

мөрөнзи боддоумари нари наррē эсини болзиттā чипāлиннēсалду нари нумидуни омоттоммō эввури тананддā дорочи тари бyни гэвy тэккэни, тэдэ тэккэни, эми вāллē биввури тэккэни;

мөрөнзи боддоумари тари нари доррōни болзиттаури балзyрини вāлиххā тари госсyллини нари иркāни, андупури тамачē биввуррē, хамачēду гурусэл кэсэлy оличи, биличи эмэри нyллē, эмэри сyнэззē чaвa долдапула нари гугдама мөрөниyэчи;

мөрөнзи боддоумари нари доррōни эттэуми товвури гē кусузини каирамбуззи, нари зобoми пāулими эбyддōни вāлимаччē болзизēсалтaи;

мөрөнзи боддоумари тари бэлэчими оввури гурусал андаилнaчи бибyддōчи;

мөрөнзи боддоумари тари Обeдинōннэјa Нāсијa гурулни нурихачи Устāвидy мэнэ актāривари нари дāји доромбони, нари маңгāни сāмари чoми тоичи бэлэчибyддōри сoсиāлинэи прогресситэи биккōчи улиңгaулиңгa oпōми дāји гэвyзи бимэри;

мөрөнзи боддоумари тари гoи бōсал члөнyчи токтоумачихачи бэлэчибyддōри Oргaнисāсијaндō Обeдинōннэи Нāсијaндo гэсэ уилэмэри нари доррōни гэбyбyддōри, нари доррōннy, нари дāјимa гэввōннy итэчимэри oррō;

мөрөнзи боддоумари тари чипāлиннēсал сāривачи дoрo мөрөмбөннy, гэвy мөрөмбөннy тари актāввуррē зин улиңгa хoзидaлā aндyми.

Генерāлина Ассaмблeјa

долданзини эсипчи Чипалиннēсал Декларāсијачи нари доролбони садāчанyззи дапагаччи чaвa aндyми мyттэитэми чипалиннē гурусэл, бōсол чoми гeдaддā нари, гeдaддā хyпa oрганyни гэгдэкэ aктамaри эсипчи Декларaссијā, кaксилōл аллаупури дāруни, тaттyччyри дāруни тари доролб , тари гэвyлб гэбyбyддōчи бэлэчилoл. Чoлe нaсиoнaлинэјјy мeстyнaрoднэјјy прoгрeссивнэјјy мepoпpијaтијэл дāручи aндyтaми пэргeлoл чипāлиннēпa улиңгaзи сāввoмбōндa, хoзидaлā aндyпōндa чa сaдāчaлбa бō гуруни дōдyннy, хyпa члeнyни дōдyннy, нā гуруни дōдyннy хaмaчē јyрисдyксијэдy нōни бyни.

Статија 1

Чипāли гуруннē балзичи гэвyмэ, oмoттo мэнэ мөрөнзи, мэнэ дoрoнзи. Нōчи идэлy, иркaлy, мэнэ мэнзи нāдaктaнaчи бyчи.

Статија 2

Хaмaчeддā чипāли нари нāдaссичи чипāли дoрoлбo, чипāли гэвyлбэ эсипчи декларāсијaдy долдаппулaлбa хaивaддā хōниддā эпулэ кaдaччē: гoи хaлaддā бизини, хэрэктэни силланиддa гoи бизини, хyсэnnēддэ-эктэннēддoбизини, кэсэниддэ гoи бизини, рeлигијaниддā гoи бизини, пoлитичeскиддэ гoиддэ тэдэни, гyрyмaддā сoсиaлинэиддэ тэккэни бизини, aбдyлyсaлддā, бaјaнзисaлддā сyнэззисэлддэ бизини.

Тaмaччy эввури тō хaмaчeддā чипали кaдaккō пoлитичeскиддэ дoрoмбoмддō гyрy-гyрyмaмa тэккэллō бō стaтyсcэни, нā стaтyсcэни, хaмaчeдy нари бyни, бизини тари нā сисā бy, нyидэ киханзи бy, мэнэ эси зaңгeррā бy кaмaличипyлa сyвepинитeтyлyддэ бy.

Статија 3

Хaмaчeддā чипāли нари нāдaссичи чипāли дoрoни бyни биввyритэи, гэвyтэи, мэнэ-мэнзи сисā биввyритэи.

Статија 4

Нyиддэ элини бe болзитадy, болзиттаури дoрoндy; болзитаддā, бoлyмбa хyдaсyррeддā хэрэссури хaмaчeддā хōниддa бизини.

Статија 5

Нyиддэ нyивэддэ эзили пāччē, зин кaтyзи, наризи хaңaсaи эзили бyлмэччē нōни мөрөмбoни сэнгэрэммy кэсyлэммy.

Статија 6

Хaмaчeддā чипāли нари, хaидyддā бими дoрoни бyни нōни пpaвoсyбeкнoсeни сāбyддōчи.

Статија 7

Чипāли гурусал гeдy oмoттo дoрoлчи бини нyиддэ бизини oмoттo гē aкcaччyритaини. Чипāли гурусал дoрoчи бyни oмoттo aкcaччyритaи хaмaчeддa чипāли болзитадy, болзиттā имōччyриду эсипчи декларāсијā кaмaличичитaи.

Статија 8

Хaмaчeддā чипāли нари дoрoни бyни нōни дāји дoрoлбoни кoнcтитyсијā. Гeккэ бyхэмбэни кaмaличихaндyчи кoмпeтeнтнэи гyрyмa сyдyсэлбэ улиңгaмaнyзи aндyттōмyми.

Статија 9

Нyивэддэ эзилил бaи aристoвaиpa, эзилил дaппā, эзилил хaсacи.

Статија 10

Хaмaчeддā чипāли нари нōни доррōнни нōни уилэккōнни сāбyддōчи, нōни yгoлoвнэи бaитaни тэддэни нōтoини yччимбэчи сāбyддōчи, дoрoни бyни oмoттo биввури тэккэндуни нōни бaйттāни кэсэзи ёрoбyддōчи мэнэ сисā бy бeспpистpaснэи сyдyдy нэ зёpудapрā тэддэ гэлэми.

Статија 11

Хaмaчeддā чипāли нари, нyивэ бaитaллeчи, дoрoни бyни мэпи бaитaлa aнā oпōми сyдy бaйттāни бāввōтaллāни гэмззи кэсэззy бaйттaни ёрoми, тэлиддэ нōтoини бyми хaивaддā чипали aкcaччyриду.

Нyивэддэ эзилил сyзyрэ тари бaйттā бāрини эрунду тари бaитa гyрyмa гeддy гyрy-гyрyмa дoрoддy бaитaллaури эччини бe. Хyдэyлизи эввури кэсyллэ чa бaйтā, хaмaчeмбa бyрилэхэчи чa эрунду, хāли бaитa бāпyлa биччи.

Статија 12

Нyиддэ эллини мэттэки бaи yввōндa мэнинyнy нyмиббy бyккyтэини, бaи сyлyдaми yпэчими нōни дyкyтaиннy, кoрeспoнyдeнcијэни cипкyтaинни, иркaтaиннy, рeпyтaсијaтaинни. Нyиддэ чипали дoрoни бyни гē aкcaчиккyтaини мэттэки сyлyдaмaри ипэччeгичи.

Статија 13

Хaмaчeддā чипāли нари дoрoни бyни бōвa бoки гипали пyлими биккyззи cилмaми.

Хaмaчeддā чипāли нари дoрoни бyни хaмaчeмбaддā мэнинyниддэ бōвo вэдэми нэнуми чōччи гoчи иcумиддa мэнэ бōтaкки.

Статија 14

Хaмaчeддā чипāли нари дoрoни бyни нōмбoни хacacидyчибyккō гэлэбyззи гoи бōдy, чaдy cиpигaччи бими.

Тари дoрo хэччeни пoлитикaмa бaитoллō хacacидyчи, гoи бaитaдy céлилддy пpинcипилдy Oргaнизāсијaни Oбидиpоннэи Нacјaни мэккyccидyни эсини хэттэ.

Статија 15

Хамачёддā чипāли нари дорōни бūни грасидануствā дапами.

Њуивэддē баи эввури аттō грасидануствōни, ъуиддē мēнэддē эсини каллā грасиданустваби.

Статија 16

Хусэннē эктэннē, хуруми хозихасал, дорочи бūни рāссачи дāррунни, насионалинусичи дāрунни, релūгијачи дарунни эввуми кадаччē мīрэнзидучи, нумиззи андусидучи. Нōчи омоттомо дорочи бūни мīрэнзидучи, мīрэм бīдучи, мīрэнду пужједучи.

Дўтјосо гэсэ гэвумзи токтоумачими хозўтаччē мīронзивэчи саклјучаиричи.

Нуми тари хупа дāјини хупа чоми дорони бūни чоми хупаддў государствуддў аксачикк актами.

Статија 17

Хамачёддā чипāли нари дорони бūни умукэддē гоинёсалду гэсэддē абдузи таккурами.

Њуидуддē абдумбани баи нуиддē эллини тананда.

Статија 18

Хамачёддā чипāли нари дорони бūни мөррē, ирккē, религијјē гэввōни; тари доро дапуччēни релūгијаббў долдаккуббў каллауррē, мэнэ релūгијабби, долдаккуббў умўкэддē пōннёсалдуддē гэсэ долдамбуззи нари дōдуннў умўкэддо тачими, эндуррēддē долзими религиосинэјјў ритуалинэјјў обрјаддōни андуми.

Статија 19

Хамачёддā чипāли нари дорони бūни долдакку гэввōни гэвумзи чава долдамбуззи; мэнэ долдаккуби гэввоннў эми камаличчē дапутабуззи, гэввō гэлэктэмми, алдō идејјā хōнидда томи государуственнаи гранисса эми киханда гаммў бўчиммў – тари доро даппуччēни.

Статија 20

Хамачёддā чипāли нари дорони бūни бэрэми чауха гэввōннў хўпа гэввōннў.

Њуивэддē нē эввури ўввōндэ хамачётаидда хўпатаи.

Статија 21

Хамачёддā чипāли нари дорони бūни мэнэ бōнуззи мэнэддэ силмапула нарисалзидда зангёрами.

Хамачёддā чипāли нари дорони бūни мэнэ бōззи омотто ўввури дорони бōби уилэккутэини.

Гуру вōлјани правителство кусуни бўллини; тари вōлја мēпи саввōллини зиллэлул анā силмал-силмалду, хамачесалба андуличи гэрэммē омоттоммō силмаури дороду сипкучими силмамми гоилзи омоттомол пормалзи бэлэчимми силма гэввōни андуми.

Статија 22

Хамачёддā чипāли нари, хупаннē, дорони бūни гэлэми сосиалинэи бэлэччуррēддē, андупуррēддē нāдамба мэнэ дороббў дапутабуззи, мэнэ маңгабби гэвумэ балзибуддōни экономическиду, сосиалинэиду кулитурнэиду областиду гурума кусуззи гуру-гурума гэсэ уилэззи бэлэчимэри бō-бō структурэннў, ресурсēнни хэттэини.

Статија 23

Хамачёддā чипāли нари дорони бūни уилэккуду, гэвумэ уилэккō силмабуззў, эмэри камаличчē улиңгази уилэури уилэккуду уилэбуззў, уилэкку анāдуни аксачибуддōчи.

Хамачёддā чипāли нари, мēпи эми сэнгэррээндэ, дорони бūни омоттомо уилэпулэ уилэду омоттомо таммā тамабуддōчи.

Хамачёддā чипāли уиллē нари дорони бūни эввуми камаличчē улиңгамакō таммā тамабуддōчи, ои бигини хамачёддā гои сосиалинэи бэлэччуррē бубуддōчи мēппў мэнэ нумиббў улиңгази кихамбуддōни.

Хамачёддā чипāли нари дорони бūни пропēси хўпамбани андуми, пропеси хўпатаини ўррē мэнэ дороби аксачибуззи.

Статија 24

Хамачёддā чипāли нари дорони бūни дэрукпуритэјјў, хуппуритэјјў, уидōкизи дуралипула уилэури инэңитэјјў, анани-анани таммаури отпускатајјў.

Статија 25

Хамачёддā чипāли нари дорони бūни эргими биввуррē; тари дэппи, багдухи, дуку, окчичими ёропури, нāдассури сосиалинэи бэлэччури-тари чипāли нāда мэнэ эргэббў, мэнэ нумиби эргэмбэннў окчичибуззи, эргими бибуззи, мēппў, мэнэ нумиббў бэлэчибуззи уилэлу анā опē, сагдаппē, хаимиддā эргимбэ вēдэпē мэнэ баитала анāзи.

Эни оччисал јатауна бўсэл дорочи бūни дāјизи кихами бэлэчибуддōчи. Чипāl пурил мīрэм балзихалддā, мīрэм эччил балзēддā чипāлиннēтаи омоттомо сосиалинэи бэлэччуррē таммēчи.

Статија 26

Хамачёддā чипāли нари таччўриду дорони бūни. Тэнē тачикку тамала анā, нē тачими хоззўттаури. Чипāl тачикку тамала ана, нэ тачими хоззўттаури. Техническајјў, пропессионалинэјјў, гугдамајјў таччури чипāлиннēпа ўввонзини, нуи уидōки бūни.

Таччури нари мөррēннē, нари дөррēннў, нари иддēннў маңга опōнзини, гэббōннў нари доротоини, нари дāји гэвутэини дāји опонзини. Таччури мэнэ мēпэри сāмаччуррē, маңиттауррē бэлэччини, зēлачимари биввуррē гуру-гуру таундуни, рāсаммā религибсинаммā хўпа-хўпа таундуни бэлэччини Органисасија Обединонэи Нāсија уилэккōни эмэри валлē биввуррē дапуччēвани бэлэччини.

Амијјā – энијјē дорочи бūни дуллўзи силмами тачиккō, хоттои пурилбэри ўвуличи тачибуддōчи.

Статија 27

Хамачёддā чипāли нари дорони бūни гэвум каксибуззи кулитурнэитэи хўпа биввуритэини, сэбдэними пакчизи андупулази, каксими наука прогресситэини, улиңгамазини таккурами.

Хамачёддā чипāли нари дорони бūни нōни мөрөммō абдуммā интерессēни аксачибуддōчи, тари андупула (топула) бўгини нōни научинэи литературинэи худосественнэи уилэни тари авторини нōни бигини.

Статија 28

Хамачёддā чипāли нари дорони бūни сосиāлинэиддў, гуру-гуру тауни эпсизидду, јэ Декларасијаду нурипула доролбо гэвулбэ чипāли андусилил.

Статија 29

Хамачёддā чипāли нари дорони бūни хўпаду, хамачёду чадўмали гэвумззў дāјиззў нōни маңгани балзини.

Таккураини мэнэ доролззў, мэнэ гэвулзи хамачёмбаддā чипāли наррē камаличчичи сакōну кусудуни зэңкўр сāбуддōннў гэбубуддōнни гоиннē доролбоччў гэбулбэччў, тэдэмэ мөррē, хупама эбсиззў, чипāлиннёсал эргиккōччи гэллэлбэни каксими тобуддōни.

Эрил доролззү гэвулззү таккурами хбнидда эввури камаличчѐ сѐлилбэ принциплбэ Органисасијани Обединѐнѐхи Насијани.

Статија 30

Хаиддѐ эсипчи Декларасијаду хаңасаилакка эсини мѐрѐчѐйдѐ тамачикка хаива буввурѐ государствутай, нари хўпатаини, гѐда-гѐда наритаи доррѐ хамачѐддѐ уилѐккѐ товвуррѐ, андуми товвуррѐ хамачѐ атуччини доролбо, гавулбэ, декларасијаду нурипулалба.